


أكد أن «الفلاح» فن وتكنيك يختصر الوقت ويعفيك من الليم

الشهران: شعم الشتا يضرب على الشريب ويدوخ على الريانه



صفحة «بحري» تلتقي اليوم الحداق عبدالله الشهران الذي تولع بالصيد عام 2005 وعرف أسرار صيد أسماك كثيرة مثل السبيطي والشعم والشعري والقرقفان والفسكر والهامور والبالول وفنيات صيد السبيطي وأحجام الخيوط المناسبة لصيد الأسياق ومتي يكثر صيد الشعم الأصفر والأزرق وأفضل وأفضل بيمة لهما وأكثر وقت يكثر فيه صيد الهامور وأفضل مكان لصيد الشيمة كما أطلعنا الشهران على بدايات صيده بالفلاح والكايك وتكنيكاته الخاصة واصطياده لسمكة الماهي ماهي العمانيه التي تزن 10 كيلو ومعلومات عن عدة الفلاح والنصائح التي قدمها لإخوانه المقبلين على هواية الفلاح، فإلى التفاصيل:

وتالي صيدك سيكون قليل من شعم وقرقفان وشعري، غالباً انا أفضل حجم الخيوط من 28-30 وما أنصح بأكثر منهم، إلا اذا أنت قاصد سمجة معينة او تدري المكان فيه شي معين انت رايح له مثل السبيطي، الشيم سمجة شمال ومشهور عندنا وأفضل مكان لصيده بالدرور ومتواجد بكثرة بالشمال وأفضل بيمة الليمامة او الزوربة محاياة والفلاح حقها يعتبر من أفضل الطرق لصيدها.

بدايات صيد الفلاح

وبضيف: حاولت أغير وأطور من نفسي واستمتع أكثر وفعلاً تعلمت الفلاح في 2011 ومارسته فعلياً في 2013 وفكرت انك تصيد بالطعوم الصناعية، وطبعاً تحتاج عدة حديثة من سنانة، وخط ومكيعة، الفلاح شيء جدا جميل وممتع لأنه فيه فن وتكنيكات وكل شخص يختار المناسب له لكي يحسن نوعية الصيد، ويختصر عليك الوقت من حيث في سمجة زينة المكان او لا يوجد وضيف عليه انك ما تحتاج ييم وغيره، ولقد اصطلت اسماك كثيرة تتعدى الـ 10 كيلو، أذكر طلعت سمكة ماهي ماهي بعمان وكان وزنها أكثر من 12 كيلو وهي من أمتع الأسماك بالصيد والاكشن.

خاتمة

واختتم الشهران قائلاً: والله للأسف بحرنا من سيئ الى أسوأ، وأكثر شيء يضايقني التلوث البيئي اللي حاصل وبحرنا مع الأسف صابر مكب للأوساخ والجراثيم البيئية، يكفي مياه الصرف الصحي غير المعالجة تصب مباشرة فيه من دون اي معالجة، وأنصح كل شخص ما جرب الفلاح بأنه يجربه وخاصة بالكايك سواء لفاح او حداق بحد ذاته يعتبر متعة، والكايك هو اسكلت الحداق المتقلبة يوصلك للمكان اللي ما يقدر عليه الحداق ولا يقارب عليه الطراد، وأقول للهواة الحدد بالفلاح انهم ينتبهون في موضوع اقتناء العدة المناسبة، وأنك ما تأخذ شيء فوق حاجتك ومن سال ما ضاع ويفضل تسال أكثر من شخص لكي يكون عندك معلومات صحيحة من كذا مصدر وشخص.

بداياتي الفعلية للصيد كانت 2005 وكنت اطلع مع جارنا وهو تاجر أسماك أثناء نزهته شمال وجنوب بحكم أنه له معرفة كبيرة بالبحر الى ان تطورت بالهواية واشترت طرادتي الخاص في 2007 كان 16 قدماً، وبيدينا في مشوارنا البحري الى يومنا هذا، الصيد بكل مكان حلو سواء شمال او جنوب ولكل بحر سمجته، الفسكر والقرقفان والشعم والشعري يكون سمين هالفنرة ودمس والجنعد هذا موسمهم والعام كان متواجدا بكثرة والبالول والميزي والسبيطي سمجة طول السنة مبيطة وتكثر في موسمها.

السبيطي يبي بيمة دسمة

وبضيف: السبيطي صيده حسب خبرة الحداق واختيار نوع الليم والتوقيت المناسب هذه الأمور تزيد فرص صيدك انا عن نفسي أحب أحداق له بنفس بيمة مرعاه يعني اذا موجود وفي ميد بحداق له بيمد او منجوس او يواف حسب المرعي ويشكل خاص السبيطي يحب البيمة الدسمة وما يطوف المصير وخيوطي 60-70 ومباديري 0/5 الترديعه ركه باع وأفضل أوقات صيده على السجى الفجر او المغرب، اذا بطلع لفاح انصح بمبارير التوب وتر ويفضل فيه صوت بعده مبارير الجيرك وتكنيكاتهم سهله كلها على اليوتيوب واهل الخبر مايقصرون ويشكل عام السبيطي سمجة سيف يبين عدل بشهر يوليو واغسطس.

الشعم الأصفر يكثر في الصيف

ويتابع: الشعم الأصفر بالصيف يبين بكثرة والأزرق بالشتاء ييمته بالصيف الشريب والريانة زينة بعد والبعض يستخدم له العجين وفي الشتاء يدوخ على الريانة وتحصله عند الطيبة قبل نصيده بالدوحة والحيشان والرشدان لكن بعد منع الجون صرنا نحداق له سيف بالدوحة او ننزل له صوب الدعية والونانة والركسة، بالنسبة للهامور هذا وقته ويرجع يبين بكثرة أواخر البرد على شهر مارس وابريل وأفضل بيمة له المحاياة ويضرب على الجم والييمام ونحصله عند الطبعانات وعوهه.

وقال: أحجام الخيوط على السيف ناعمة لانه اول

